



UNIVERSITÄTS-
BIBLIOTHEK
PADERBORN

Universitätsbibliothek Paderborn

Gülden Tugendt-Krantz

Tympe, Matthäus

Paderborn, 1613

Der Hochwürdigen/ WolEdlen Frawen/ Frawen Ottilien/ Geborne von
Fürstenberg/ des Freyen Adelichen/ Weltlichen Stiffts Heerse/ Postulirten
Abtissen/ Frawen zu Oelinckhausen/ Meiner Gnedigen Frawen.

[urn:nbn:de:hbz:466:1-50841](https://nbn-resolving.org/urn:nbn:de:hbz:466:1-50841)



Der Hochwür.

digen / WolEdlen Frawen /
Frawen Ottilien / Geborne von
Fürstberg / des Freyen Adelichen / Welt-
lichen Stiffts Heerse / Postulirten Abtise-
sen / Frawen zu Delinckhausen / Meis-
ner Gnedigen Fra-
wen.

Höwürdige / WolEdle
Gnedige Fraw / Es kan
kein Verständiger in Ab-
redt seyn / daß vnter allen Gottlie-
benden Christen Geistlichen V-
bungen nit die geringste sey / oftmal
mit fleiß vnd auffmercksamkeit
Geistliche Bücher lesen / vnd son-
derbaren Nutz darauß begehren zu
schaffen. Dann wer weiß nicht /
daß das embsig lesen andächt-

(a) ij ger

Geistli-
che speiß
der See.
len.

Die
Jungfra
wen müs
sen aus
den Bü.
chern er-
lernen/
was sie
sonst von
Mans.
personen
(mit wel-
chen sie
nit lang
gespräch
halten
mögen)
hertē ein-
nemen
müssen.

ger vnd schrifftreicher Bücher die
begierden des Menschen jederzeit
in den Tugenden fortzuschreiten/
wunderbarlicher weiß erneuere/
vnd der Leser offtermahl mehr
durch ein geringes lesen/ als durch
alle andere geistliche vebungen von
Gott erleuchtet werde?

Die weil ich dann bey mir ent-
schlossen / allein die jertigen Bü-
cher / durch welche viel Menschen/
entweder im Catholischen Glau-
ben vnterwiesen / oder zu mehrer
lieb vnd grösserm Eysser gegen
Gott vnd allen Tugenden ange-
zündet können werden / durch mei-
nen Truck ans Liecht zu stellen /
hab ich zwar mit grossen Kosten /
jedoch mit sonderbarem lust diesen
Guldē Tugendfrantz / oder schö-
nen Bericht von vbung aller für-
nehm.

nembsten Christlichen Tugenden
in truck verfertigt / beuorab / weil
vns darin deutlich vor Augen ge-
stelt ist / wie wir vns gegen Gott /
gegen vns selbst / vnd gegen
vnsern Nechsten verhalten / vnd
also alle Theil der Christlichen Ge-
rechtigkeit erfüllen sollen. Was
kan doch nutzbarer vnd noth-
wendiger erdacht werden ?

Dann zum 1. ist's je billich / daß
wir vns befleissigen den allerhöch-
sten Gott jederzeit vor den Augen
vnser Gemüths zu haben / vnd
vns fürzubilden / daß alle vnser
Gedancken / Wort vnd Werck / für
seiner vnd aller seiner Heiligen ge-
genwertigkeit offen stehen / auff
daß wir also vom oberflüssigen re-
den / von verlust der Zeit / ja auch

Sich je
dzeit ein-
bilden
man
stehe vor
den Au-
gen Got-
tes.

(a) ij von

Vorrede.

von den allergeringsten Sünden
abgehalten werden.

Billich istz / daß wir allen
möglichen fleiß ankehren / vnsern
Schöpffer vnd HERN inbrünstig
zu lieben. 1. Alle vnser Gedancē /
Willen vnd Meinung auff seine
Göttliche Majestät (wie ein Kind
auff seine Mutter) zu richten : 2.
Dasjenige so wir vns im Gemüt
fürgenommen / auch außwendig
mit dem Werck zu erzeigen : 3 vnd /
damit wir ohn einzige ver hinder
nuß vnsern Geist mit dem Geist
GOTTES mögen vereinigen / vns
von allen Creaturen / fürnemblich
aber von vns selbst abzusondern
vnd zuenteußern : 4. Item / täglich
mit grosser Fürsichtigkeit ohn eini
ges auffschieben in seiner Lieb zu
zunemen / vnd nichts / was wir zu
seinem

Sechs
Zeichen
der hern
liche Lieb
Gottes.

Nicht al
lein mit
einem gu
ten Wil
len be
gnüget
seyn.

seinem Dienst für nothwendig er-
 kennen / zu vnterlassen: 5. Auch
 in seiner Liebe nicht vnsern Nutz
 der Trost / sondern in allen dingen
 allein die Ehr vnd Glori seiner
 Göttlichen Majestat zu suchen:
 Vnd endlich ihn starckmüdig zu lie-
 ben / mit freuden alle Widerwer-
 tigkeit vnd Creutz / so vns von sei-
 ner Göttlichen Fürsichtigkeit zu
 handen kömpt / zu gedulden / vnd
 es dafür zu halten / daß / dieweil
 er vns solches zuschiekt / er vns
 auch darzu trösten vnd stärcken
 werde.

Müßig-
 gang ein
 Feind der
 wahren
 Lieb Got-
 tes.

Ein rei-
 ne Lieb
 ohn einta-
 gen Zu-
 sag.

GOTT
 schencket
 seinen
 Freunde
 gute Gaa-
 ben.

Billich ist's auch / daß wir vns
 befleissigen zu haben eine grosse /
 doch nicht knechtliche sondern kind-
 liche Forcht / vnd wie grosse Ehr-
 erbietung Gottes (in betrachtung
 seiner vnermässlichen hochheit / vor

Sich be- welches Angesicht alle Himlische
 sorgen Geister erzittern) vnd daß wir vns
 aus Got- Geister erzittern) vnd daß wir vns
 res Gna- befürchten das geringste wider sei-
 den zu nen gefallen zu handeln.
 fallen.

Wir eif-
 fern weñ
 wir das
 sehen ver-
 achten
 welches
 wir liebē.

1.
 Zeichen
 dieses
 Eyffers.

2.
 Des
 rechten
 Meyls
 als vn-
 ser eigens
 beför-
 der n.

Billich wenden wir fleiß an
 einen rechten wahren Eyffer ge-
 gen die Ehr vnsers H E X X N zu
 tragen: herzlich betrübt zu seyn/
 weil wir sehen / wie wenig der
 H E X X von seinen Creaturen ge-
 liebet wird / Welche mehr das Ir-
 dische vnd sich selbst / als das Ew-
 ge vnd seine Göttliche Majestat
 lieben / Ja dieselbige alle Stund
 auff vnzahlbare weise beleidigen:
 Auch vmb das Meyl vnsers Nech-
 sten zu eyffern / vnd ihn mit Buß-
 wercken / Exempeln / Gebett vnd
 Vermahnungen zu helfen.

Billich erwecken wir in vns
 ein

ein Begierd seine göttliche Maje-
stat mit eyffer/ lust vnd freude des
Herzens zu ehren vnd zu loben/
nit allein im Gebett oder Gottes-
dienst / sondern auch zu allen zet-
ten/ an allen Orthen/ in allen din-
gen / so wir sehen vnd hören/ vnd
in allem dem so vns zustehet / es sey
gleich gutes oder böses: Vnd dar-
umb ein abschewen zu tragen/ vn-
sere Sachen nur aus gewonheit
vnd mit Nachlässigkeit zuverich-
ten.

Billich bearbeiten wir vns /
daß wir vns ganz vnd gar als ein
Brandopffer im Feuer der göttli-
che Liebe schlachten/ vnd Gott bit-
ten / daß der göttliche Will in allen
dingen an vns geschehe / vnd wir
vns selbst recht verleugnen vnd
abtöden.

(a) v

Billich

Hier. 48.

Ver-

flucht sey

der / wel-

cher das

Werk

Gottes

nachläs-

sig ver-

richtet.

Dndäck.
 barkeit
 macher
 den sum
 men der
 Barm-
 herzig-
 keit durr.

Billich seyn wir sorgfältig dem
 HERRN für alle seine Gemeine/
 besondere / vnd eigne / auch die al-
 lerminste wolthaten zu dancken/
 dieselbigen zuerkennen / vnd aus
 dieser Erkandnuß zu lernen / das
 alles was wir mit Gedancken/
 Worten oder Wercken ihm wider-
 gelten / auch mit den wenigsten theil
 der Schulden vnd Verpflichtung/
 mit welcher wir ihm verbunden/
 können bezahlen.

Billich bemühen wir vns all
 vnsern lust / frewd vnd wolgefals
 len allein in Gott (dem höchsten
 Gut vnd allerbesten Schatz) vnd
 seinen Sachen zu haben / gern von
 ihm zu reden / zu gedenccken / vnd
 gemeinschaft mit im zu haben / ab
 der Welt aber vnd allem dem ihri-
 gen (ja auch sie anzuschawen / von
 ihm

Vorrede.

ihr zu reden oder zugeedencken) ein
verdruß / grausen vnd abscheuen
zu tragen.

Zum I I. Die weil vnser größter
Feind wir selbst oder vnser eigen
Leib ist / legen wir billich fleiß dar
auff / daß wir diesen Feind austrei
ben / vnd dieses oder jenes nit aus
eigner Ehr / lust / lieb / oder nutz an
getrieben / sondern allein weil es die
Ehr vnd glori Gottes erheischet / ob
es schon dem eignen willen zu wi
dergedencken / reden vnd verrichtē.
Sich nit
suchen /
mit der
eigenen
Lieb kein
Kunde
schaffe
machen.

Billich bemühen wir vns diesen
Feind rechtschaffen außzutreiben /
daß wir vns wenig oder nie an or
ten / da man die zeit verleurt / oder
gelegenheit zu sündigen hat / fin
den lassen / sondern vns gern von
den Leuten absondern / auff daß wir
vns also mehr bey vns selbst vñ im

Q. Vn

Vorrede.

Herrn getrost finden mögen / vnd
vns fürbilden / daß wir nit allein/
sondern mit Gott vnd seinen lieben
Heiligen vnd Engeln seyn.

An die
sen fünff
Pforten
werden
wir am
meisten
überwun
den.

Billich geben wir diesen feind
zuuerjagen gute achtung auf vnse
re Sinn / daß wir nicht fürwitzig
oder leichtfertig alles sehen/hören/
greiffen / zc. sondern viel mehr vns
darin abtöden / vnd allzeit das
Widerspiel desselben / in dem wir
gereizt werden / vollbringen.

Billich vnterstehen wir vnß
aus allen dingen die wir sehen oder
hören müssen / ein Nutz zu schöpf
fen / vnd Gott darzu zu loben vnd
zu lieben / die innerliche Augen vnd
Ohren auff ihn zu richten / mit sol
chem Gemüt / daß wir mit ihm zu
reden / ihn zu beschawen vnd anzu
hören / vmb keine Creatur vertau
schen wollen.

Bil,

Vorrede.

Billich bearbeiten wir vns mit dem ganzen Leib in geberden / des Håupts / der Zungen / der Hånd vnd Füß / auch aller anderer Gulte / der sittsam vnd züchtig zu seyn / vnd dieselben nicht nur dann allein aus ehrlichen oder nottürfftigen Ursachen zu bewegen.

Billich beflæssigen wir vns vnsern Leib dem Geist zu vnterwerffen: mit abstinenz / fasten / geißelen / vnd härinen Kleidern zu casteyen / vnd die fleischliche Laster zu vberwinden: Die Gesundheit aber des Leibs zu erhalten / auff daß nit mit des Leibs auch der Seelen Kräfften vnd geistliche Übungen abnemen.

Billich brauchen wir vns (in dem wir die Häßligkeit vnserer mit so viel Sünden besudeltē Seelen / vnd

Damit dem Herrn in allem gedienet werde / muß mā sich nicht vberlasten.

Vorrede.

Vnd wie fern wir noch von dem
leben der Heiligen seyn/betrachten)
der mühseligkeit vns selbst sehr zu
verachten vnd zu hassen / beuorab/
weil vnser Herr für vns dermassen
verachtet vñ verspottet ist worden.

Billich kehren wir fleiß an ganz
vñ gar ober unsere Begierden / Af-
fecten vnd Anmutugen zu herr-
schen / vnd die Tugenden so densel-
ben zu wider seyn / zueröbern.

Billich beflüssigen wir vns / daß
wir alle geistliche sache / als da seyn
betrachten / beten / beichten / comuni-
ciren, geistliche Bücher lesen /c. auß
lauter lieb Gottes wol vñ mit frucht
volbringen: Vñ endlich in allen ob-
erzelten sachen der h. Bescheidēheit
(als der Mutter aller Tugenden
vnd ohn welche alle gottselige
vbungen für laster gehalten werdē)

nach

nachfolgen/vñ wol erwegen/ob die
sachen so wir fürhaben/ einen gu-
ten außgang gewinien werden/dar-
an rath pflegen/ welche in derglei-
chen sachen schon erfahren seyn/gute
Bücher lesen/so von solchen sachen
handeln/vnd Gott vmb erkentnuß
was zu thun sey / anruffen.

Zum III. Ists se billich/ daß wir
wol auffmercken/ daß wir vnsern
Nechsten nit ärgern/vnd daruñ
vns mit keiner person/sie sey so he-
ilig als sie wil/in sondbare gemein-
oder Kundschaft einlassen (damit
wir vns nit ein thür zu vielen vber-
tretungen eröfnen/vnd die edle zeit
mit vergeblichen worten verzeren)
sondern vns gegen allen in gemein
freundlich erzeigē/bevorab mit de-
nen wenig reden(vnd sie mit 2. oder
3. worten etwan mit entschuldigung
anderer

anderer

Vorrede.

anderer Geschafft abfertigen) so an unnützem geschweß/ vnd erforschung anderer Wandel/oder sonst an murmelen vnd Nachreden lust haben/ wann vnß Außwendige heimsuchen keine neue Zeitung fragen/ ja einer grossen Züchtigkeit vnd Fürsichtigkeit in reden gebrauchen/ dieselb so geschwind es immer seyn kan/ endigen/ vnd gedencen/ wir werden vom HERN des Himmels vnd der Erden mit ime in geheim sprach zu halten beruffen.

Billich gedulden wir gern alle vnbilligkeit/so vnß von jederman/ doch ohn einzige ihren von vnß gegebenen Ursach angethan werden/so wol an der Ehr als am Leib vnd Gut/darumb daß nichts vnser ist/dieweil wir all in der Sünd des Todts

Vorrede.

Todts beraubt müssen werden.

Billich thun wir vns (mit dem Mantel der Lieb verziert) mit Worten vnd Wercken ab anderer Glück erfreuen / vnd haben ob ihrem Vnglück / (so wol geistlichem / wenn sie in Sünd fallen / als weltlichem) ein mitleiden.

Billich erzeigen wir vns gegen jederman freundlich / lieblich vnd sanftmütig (doch ohne zerstörung des Geistes /) vnd so wir andern fürstehen / ermahnen wir sie billich wenn sie straucheln) vnd achten andere für besser als vns selbst / ja wünschen auch ihnen in vnd mit allen Sachen / auch mit vergießung des Bluts nach dem Exempel Christi / zu helfen.

Billich beflüssigen wir vns ab

(b)

le

Des
Rechste
anliegen
als vnser
eigenes
empfin
den.

Vorrede.

le die jenigen so vns / auß dem wil-
len vnd Ordnung des HERN / in
dieser Welt regieren / als natürli-
che Väter vnd Mütter zu lieben /
sie in ihrem Thun mit nichten zu
vrtheilen / sondern wenn sie schon
etwas vnrechts handeln / zu ent-
schuldigen / vnd ein mitleiden mit
ihnen zu haben / vnd Gottes Liecht
vnd Gnad für sie zu bitten / ihnen
Ehr zuerzeigen / vnd sie als Chri-
sti Stadthalter auff Erden zu hal-
ten / vnd darumb alle Straff vnd
Vermahnungen mit freuden von
inen auffzunehmen / in bedencung /
dasi der H E R X durch sie ein son-
derbare Sorg für vns trage / vnd
keine Gebrechen in vns gedulden
wolle: Vnd endlich ihnen in allem
den jenigen so sie vns befehlen / ge-
hor-

horsam zu leisten / Vnd solches	1.
zwar geschwindt / ohn auffschie-	
bung der zeit: Vngezwungen oder	2.
nicht offte vermahnet: Einfeltig/	3.
ohn einiges entschuldigen / vnd	
gleich als blind: Frölich ohn Wi-	4.
derwillen / oder innerliche Trau-	
rigkeit: Starckmütig ohn Trage-	5.
heit vnd Vngedult: Verharlich	6.
ohn nachlassen bisz ans End: Vnd	7.
demütig ohn erhebung oder Ruhm	
des guten Wercks.	

Dieweil dann Hochw. Wol-
Edle vnd gnedige Frawe ein löb-
liche gewonheit ist / newe gedruck-
te Bücher / hohen vornehmen vnd
ansehnlichen Personen zu dedici-
ren vnd zu zuschreiben / vnd dieser
newer Tugendkrantz / als ein gül-
den Nischschnur vnserz ganzen

Vorrede:

Lebens/ auß jetztbemelten vnd viel
anderen Tugenden geflochte/ Als
ist mir niemand/ da ich in meinem
vmbschweyffenden Gemüth be-
druckt gewesen/ vnd nicht gewust/
wem ich denselben dedicirte, vor-
komen/ welchem ich denselben bil-
licher als E. G. solte offeriren vnd
zueignen. Jedoch da ich E. Gn.
Personen vnd Würde/ vnd hinge-
gen die meine sampt der geringheit
zu Herzen genommen/ hett ich sol-
ches zwar auß mir selbst nicht
wagen dörfen/ wo nicht Ew. Gn.
hiebevoren mir darzu anlaß mit
Gnaden geben hetten/ auch neben
dem offit erfahren hette / wie daß
dieselbe sonderlich zu lesung guter
andechtiger Bücher mit sonderm
Eyffer vnd Inbrunst/ Were affe-
ctio-

Vorrede.

ationirt, damit sie ihre edle Seele mit allerley Tugenden auff's herrlichste zieren vnd schmücken mögte. Vnd die weil ich offtermals in der That gespürt, daß Ew. G. Gemüth deromassen von allem Hochmut vnd Stoltz frembd ist vnd abhorriert / daß sie sich auch gegen nidriges Stands Personen (considerata tamen status qualitate,) gnedig vnd gewogen erzeiget / Als bin ich nicht allein getröstet / sondern auch billich verursacht / diesen Neuen aus vielen schönen Blumen der Tugenden zusammen geflochten Kranz keinem andern als Ew. G. in aller Demut vnd mit gebührender Reuerentz zu offeriren vnd zuzuschreiben / gantzlich dero Hoffnung vnd Zuver-

(b) iij sich

Vorrede.

sicht/es werde dieser Jugendfrantz
ein Figur vnd Vorbild seyn / des
allerköstlichsten Jungfräwlein
Kranckes / welchen die Theologi
(Laureolam virginittatis nennen /)
damit Ew. Gn. sampt dero aller
keuschsten Jungfrauen Maria /
vnd allen Gottseligen Jungfra
wen wird begabet vnd gezieret
seyn. Bitte derwegen vnterthenig
Ew. Gn. wollen diesen Jugend
frantz in iren Schutz vnd Schirm
nehmen / vnd ab dieser Dedicati
on ein gnedigs Wolgefallen tra
gen. Solches sol ich mit meinen
vnterthänig möglichsten diensten
jederzeit zuverdienen mich beflis
sigen. Der mildreicher Gott wol
le Ew. G. jederzeit mit seinem gna
den

Vorrede.

denreichen Segen beywohnen /
vnd sie in langwirtiger friedlicher
Regierung ihrer Vnterthanen / zu
grösserm Lob seines hochheiligen
Nahmens / gnediglich erhalten.
Geben zu Paderborn am Festtag
des heiligen Apostels Matthiæ,
Anno 1613.

Ew. Gnaden

Vnterthäniger Diener

Matthæus Pontanus
Buchdrucker.

200

Faint, illegible text in a Gothic script, likely bleed-through from the reverse side of the page.

Faint, illegible text, possibly a section header or a date.

Faint, illegible text, possibly a section header or a date.

Faint, illegible text, possibly a section header or a date.